

- یوہ آکا شوانی جموں ہے محمد سفیرتے اظہر حسین تیں خبر سُنو۔ پہلاں خاص خاص خبر۔
- *1۔ کویت مانہہ آتشدگی واردات مانہہ فوت ہون آلا بھارتی شہریاں غی جسدِ خاکی نانہہ لے غے بھارتی فضائیہ غو مخصوص طیارو اج سویرے کیرالہ غا ہوائی اڈا کو چی پُجیو۔
- *2۔ وزیر اعظم نریندرمو دی اج اٹلی غا اپولیہ مانہہ گروپ 7 آؤٹ ریچ سربراہی اجلاس سنگ خطاب کریں گا۔
- *3۔ پولیس غا ڈائریکٹر جنرل آر آر سوین نے کہیو ہے جے جموں خطہ مانہہ بیرون دہشت گرداں نانہہ منہ توڑ جواب دین واسطے پولیس تے حفاظتی ایجنسی اپنا تمام وسائل استعمال کر رہی ہیں۔
- *4۔ تے وزیر تعلیم دھرمیندر پر دھان نے کہیو ہے کہ مرکزی حکومت نیٹ غا امتحان دین آلاں غا مفادات غا تحفظ واسطے پابند ہے۔
- خبراں غی تفصیل نال پہلاں محمد سفیر۔

Kwuit Fire Incident

کویت مانہہ آتشدگی غی واردات مانہہ 45 بھارتی شہریاں غی جسدِ خاکی نانہہ لے غے بھارتی فضائیہ غو مخصوص طیارو اج سویرے کو چن بین القوامی ہوائی اڈہ کیرالہ ور پُجیو۔ جت 31 متاثرین غی لاش نانہہ اُتاریو گیو۔ یا درہ جے مذکورہ آتشدگی غو حادثو کویت غا منجاف علا قہ مانہہ مزدوراں غی رہا نئس ور گذشتہ بدھوار نانہہ پیش آيو تھو۔ بھارتی سرکار نے گذشتہ کل امور خارجہ غا وزیر مملکت کیرتی وردھان سنگھ نانہہ کویت چلا غے حادثہ مانہہ فو ہوا افراد غی لاش نانہہ واپسی تے زخمی افراد غا علاج معالجہ واسطے اُت گی سرکار نال تال میل کیو جا ئے۔ فوت شدہ افراد غی لاش واپس کیرالہ پُجن تیں بعد وزیر موصوف نے ذرائع ابلاغ غے ذریعے کویت سرکار غا تال میل غو شکریو ادا کیو۔

PM G7

وزیر اعظم نریندرمو دی اپولیا اٹلی مانہہ ہو رہی گروپ 7 ملکاں غی آؤٹ ریچ مانہہ حصول لیں گا۔ وزیر اعظم گذشتہ رات اٹلی غی وزیر اعظم جا رچیہ میلونی غی دعوت ور 2 روزہ دورہ ور اپولیا پُجیا۔ مذکورہ سمت مانہہ حصول لیں تیں علا وہ امید ہے جے وزیر اعظم عالمی رہنماواں نال ملاقات کر غے کئی دیگر دو طرفہ معاملات ور گل بات کریں گا۔ اس دوران اُنہاں غی ملاقات فرانس گا صدر ایمونل میکران، برطانیہ غا وزیر اعظم ریشی سونک، جرن غا چانسلر آلف سکولز، اٹلی غی وزیر اعظم جا رچیہ میلونی، جاپان غا وزیر اعظم فو میدہ کشیدہ اور یوکرین غا صدر ولادی میر زلنسکی ہونی طے ہے۔ یا درہ جے نریندرمو دی غا تیجی واری وزیر اعظم بنن تیں بعد بیرون ملک یوہ پہلو درو ہے۔ اٹلی روانگی ور اُنہاں نے کہیو ہے بھارت اٹلی غے مابین حربی شراکت داری نانہہ مضبوط کرن اور ہند بحر الکابل تے بحیرہ روم گا خطہ مانہہ تعاون دین واسطے پُر عزم ہے۔ اُنہاں نے گروپ 7 ملکاں غی سمت مانہہ اپنی شمولیت ور خوشی گو اظہا ر کیو۔ اور کہیو ہے اس موقع ور گل بات غے دوران مصنو عی ذہانت، توانائی، افریقہ اور بحیرہ روم ور خصوصی گل بات کی جائے گی۔ اُنہاں نے کہیو ہے ہندوستان غی صدارت مانہہ

منعقد ہون آلی گروپ 20 مُلکاں غی کا نفرنس اور گروپ 7 مُلکاں غی کا نفرنس غا نتائج غے
درمیان ہم آہنگی لیان گو یوہ اہم موقعو ہے۔ واضع رہ جے گروپ 7 مانہہ کنیڈا،
فرانس، جرمنی، اٹلی، جاپان، برطانیہ تے امریکہ شمار ویں۔

Jual Oram

کا بینہ وزیرجوال اُرم نے اج نویں دہلی مانہہ قبائلی امور غی وزارت غو عہدو سنبھالیو۔ عہدو
سنبھالن تیں بعد ذرائع ابلاغ نال گل کرتاں واں اُنہاں نے کہیو جے مذکو رہ وزارت غو قلمدان
اُنہاں نانہہ تیجی وار سونپیو گیو ہے جس ور اُنہاں نے مسرت گو اظہار کیو۔ قبائل غی بنیا دی
ضرورتاں نانہہ اُجاگر کرتاں واں اُنہاں نے کہیو جے وزارت قبائلی علاقہ مانہہ تعلیم تے صحت
غا سیکٹر مانہہ ترجیحی بنیا د ور ترقی دے گی۔

Kheer Bhawani Mela

جیشٹھ اشٹمی غا موقع ور اج جموں غا جانی پور بہاوانی نگر مانہہ واقع ماتا کھیر بہوانی مندر
ور ہزاراں غی تعداد مانہہ کشمیری پنڈت برادری غا لوکاں نے حاضری دتی۔ مذکو رہ مندر
وسطی کشمیر غا ضلع گا ندربل ٹمولہ مانہہ واقع مندر غی نقل ور تعمیر کیو گیو ہے۔ یا د رہ جے
مذکو رہ میلو ہر سال کشمیری پنڈت برادری مناوے۔ اور یوہ مندر راگنیا ماتا غے ناں وقف ہے۔
مہارا نمائندہ نے اطلاع دتی ہے جے اس مقام ور اج سویرے تیں ہی بھیڑ جمع ہو گئی تے دوپہر
تک تعداد مانہہ مزید اضافو دیکھیو گیو۔ مندر غی دیکھ بہال کرن آلی سنستھا نے وی اس موقع ور
مہا یگی پش کیو۔ اس موقع ور مقامی انتظامیہ نے آن آلا لوکاں واسطے پین غا پانی، دوائی تے
گڈیاں غو انتظام وی کیو۔ لیفٹنٹ گورنر منوج سنہا نے نیک خواہشات غے نال جیشٹھ اشٹمی غی
مبارکباد پیش کی۔ اپنا پیغام مانہہ اُنہاں نے کشمیری پنڈت برادری غی خوشحالی، امن تے کامیابی
واسطے دُعا وی کی، اور اظہار کیو جے ماتا کھیر بہاوانی سب واسطے آپسی بھائی چارہ تے
سکون لیاوے۔

Hajj Pilgrimage 2024

دُنیا پھر توں تقریباً 20 لکھ عازمین حج سعودی عرب غا منی مانہہ جمع ہو رہیا ہیں کیونجے اج
توں سالانہ 5 روزہ حج غو آغاز ہو رہیو ہے۔ بھارت توں 1 لکھ 75 ہزار توں متا عازمین حج
واسطے شرکت کر رہیا ہیں۔ ان مانہہ 1 لکھ 40 ہزار 20 عازمین حج بھارتی حج کمیٹی غے
ذریعے سفر محمود ور پُجیا ہیں۔ اس سال سب توں زیا دہ 5 ہزار بھارتی خواتین عازمین محرم
توں بغیر حج کریں گی۔ اس دوران حُجاج کرام نے مقدس شہر مکہ توں منی مانہہ جمع ہون
واسطے اپنا سفر غو آغاز کیو ہے جت وے رات گذاریں گا تے سویرے فجر غے ویلے عرفات غا
میدان واسطے روانہ ویں گا اور زکر و ازکار کریں گا۔ حج سُویدھا مو بائل ایپ غے ذریعے
بھارتی عازمین نانہہ معلومات اور شکایات غی اطلاع دین غی سہولت فراہم کی جا رہی ہے۔

NSA Appointment

اجیت ڈوال نانہہ قومی سلامتی صلاحکار دوپا رہ مقرر کر دتو ہے۔ اور پی کے مشرا نانہہ وزیر
اعظم غو پرنسپل سیکریٹری مقرر کر دتو ہے۔ ان غی تقرری 10 مئی تیں نافذ العمل ہے۔ عوامی
شکایات، عملہ تے پنشن غی وزارت نے دسیو ہے جے سابقہ آئی پی ایس افسر اجیت ڈوال تے
سابقہ آئی اے ایس افسر پی کے مشرا غی تعیناتی وزیر اعظم غی معیا د غے نال یاہ اگلا احکامات
تک جہیڑی وی پہلاں ہویو نال نال ہی وے گی۔ مذکورہ دوپاں افسراں نانہہ اپنی معیا د غے دوران

کا بینہ وزیر غو درجو دتو جائے گو۔ یا د رہ جے کمیٹی نے ریٹائرڈ آئی اے ایس افسر امیت کھرے تے ترن کپور نانہہ وزیر اعظم غا صلاحکار مقرر کیو ہے۔ تقرری تیں بعد جناب ڈوال نے گذشتہ کل نویں دہلی مانہہ وزیر دفاع راجناتھ سنگھ نال ملاقات کی۔

یہ خبر تم آکا شوانی جموں تیں سن رہیا ہیں خبراں غا باقی حصہ نال اظہر حسین۔

DGP Jammu

پولیس غا ڈائریکٹر جنرل آر آر سوین نے گذشتہ کل کہیو جے جموں خطہ مانہہ بیرون دہشت گرداں نانہہ منہ توڑ جواب دین واسطے پولیس تے حفاظتی ایجنسی اپنا تمام وسائل استعمال کر رہی ہیں۔ جموں مانہہ حفاظتی صورتحال غو جائزو لیتاں وان ذرائع ابلاغ نال گل کرتاں وان انہاں نے اظہار کیو جے جموں مانہہ خاص منشا غے تحت بیرونی دہشت گرداں نانہہ چلاغے حفاظتی للکار پیدا کی جا رہی ہے۔ اور کہیو جے جد دہشت گرد مقامی لوکاں نانہہ اپنے نال منسلک کرن مانہہ ناکام ہو گیا ہیں تاں ہن بیرونی دہشت گرداں نانہہ چلا غے بد امنی تے لوکاں نانہہ مارن غی صورتحال بنان غی کوشش کی جا رہی ہے۔ قابل ذکر ہے جے گذشتہ گجھ دیناں مانہہ جموں غا ریا سی کٹھوعہ تے ڈوڈہ اضلاع مانہہ دہشت گرداں سنگ ٹاکرہ ہوا ہیں۔ حفاظتی صورتحال غی خاطر گذشتہ جون نانہہ لیفٹنٹ گو رنر منوج سنہا نے جموں مانہہ اعلیٰ سطحی میٹنگ کر غے سلامتی صورتحال ور غور کیو تھو۔ اس تیں بعد سرینگر بیڈ کوارٹر ور وی بیرونی دہشت گرداں گا حملہ بارے تفصیلی بات چیت کی گئی۔ قابل ذکر ہے جے 9 جون نانہہ دہشت گرداں نے ریا سی مانہہ یا تریاں غی گڈی ور حملو کر غے 9 یا تری جاں بحق کر دتا تھا اور 12 جون نانہہ ضلع کٹھوعہ مانہہ اک ٹاکرہ غے دوران 2 بیرونی دہشت گرد مار دتا گیا تھا جد کہ اک سی آر پی ایف جوان شہید ہو گیا تھو اور 1 عام شہری زخمی ہو و۔ اے ڈی جی پی جموں انند جین غے مطابق کٹھوعہ، ریا سی علاقہ مانہہ ہور دہشت گرداں غی موجودگی غا امکان ہیں جت جامع تلاشی آپریشن جاری ہے۔

Amarnath Yatra Security

حالیہ دہشت گردانہ حملوں تیں بعد انتظامیہ نے جموں توی ریلوے سٹیشن ور حفاظتی انتظامات غو جائزو لیو ہے۔ آکا شوانی گا نمائندہ غے مطابق سالانہ شری امرناتھ جی یا ترا جس غو آغاز رواں مہینہ غا اخیر مانہہ ہو رہیو ہے غا تناظر مانہہ پورا جموں مانہہ حفاظتی انتظامات تگڑا کر دتا ہیں۔ یا د رہ جے حفاظتی انتظامات مانہہ مزید چوکسی گذشتہ 4 دناں مانہہ ریا سی، کٹھوعہ تے ڈوڈہ مانہہ ہوا بکھ بکھ دہشت گردانہ حملوں غے پیش نظر بدھائی گئی ہے۔ مذکورہ دہشت گردانہ حملوں مانہہ 9 یا تری اور 1 سی آر پی ایف جوان شہید جد کہ 7 فوجی جوان تے گجھ عام شہری زخمی ہو گیا تھا۔ قابل ذکر ہے جے ضلع کٹھوعہ غا ہیرا نگر علاقہ مانہہ اک ٹاکرہ غے دوران 2 مشکوک پاکستانی دہشت گرد مار گرا غے ان غا قبضہ تیں گولی سکو برآمد کیو گیو۔ ایس ایس پی ریلوے شلندر سنگھ نے ریلوے پولیس جموں غا افسراں تے دیگر حفاظتی ایجنسیاں نال میٹنگ کر غے ریلوے اسٹیشن ور حفاظتی انتظامات مانہہ مزید مضبوط بنان بارے تبادلہ خیال کیو تا نجے مذکورہ یا ترا غے دوران کسے وی قسم غی حفاظتی مشکل نہ پیش آسکے۔ واضع رہ جے جنوبی کشمیر غا حمالیہ 3 ہزار 8 سو 80 میٹر غی بلندی ور واقع مقدس امرناتھ غار واسطے 52 دن غی یا ترا غو آغاز 29 جون نانہہ ہو وے گو۔ مذکورہ مقام تک دوئیں رستیں جان آلی یا ترا اک دن پہلاں جموں بنیا دی کیمپ تیں شروع ہوے گی۔

Pardhan NEET

وزیر تعلیم دھرمیندر پر دھان نے کہیو ہے کہ مرکزی حکومت نیٹ غا امتحان دین آلاں غا مفادات غا تحفظ واسطے پا بند ہے۔ انہاں نے طلباء نانہہ یقین دوايو کہ اُن غا تمام خدشات نانہہ انصاف، برابری اور کسے وی طالب علم نانہہ نقصان نہیں ویگو۔ اج اک سماجی ذرائع ابلاغ پوسٹ مانہہ جناب پردھان نے کہیو کہ نیٹ امتحان توں متعلق حقائق عدالتِ عظمیٰ غی ہدایت غے مطابق طلباء غی بھلائی بہتری واسطے تمام ضروری اقدامات کرے گی۔ اور نیٹ غی کو نسلینگ غو عمل جلد شروع وے گو اور بغیر کسے وی الجھن غے اس طرف آگے بدھنو انتہائی اہمیت غو ہامل ہے۔

اس غے نال ہی خبراں غو یوہ بلیٹن ختم ہوؤ۔